

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

Quòd triginta duos annos cum imperaßet, & plusquam sexaginta annos  
vixißet, corpus omni morbi vacuum haberet. Cap. LIII.

**urn:nbn:de:hbz:466:1-29861**

EVSEBII DE VITA

Quod triginta duos annos cum imperasset, & plus quam  
sexaginta annos vixisset, corpus omni  
morbo vacuum haberet.

CAP. LIII.

**D**VOS igitur & triginta annos (extra paucos menses & dies) cum imperio fuit: eundemq; annorum numerū vita duplicabat: quo omni tempore corpus ei præclarè constitit, sine morbo, sine dolore, nulla conspurcatum labe, quois iuuenili corpore valentius: aspectu pulchrum, & ad omnes functiones obeundas, ad quas viribus esset opus, robustum. Itaque facile se exercere, equitare, itinera confidere, bellorum periculis se obijcere, trophyæ de hostibus constituere, & illas (quibus plurimum uti solebat) sine sanguine, sine cede de hostibus victorias reportare.

*De his qui eius summa humanitate, ad au-  
rarium & hypocrisim abusi sunt.*

CAP. LIII.

**P**ari ratione animus ei ad summum omnis humanæ perfectionis fastigium ascendit: omni virtutum genere exornatus, præcipue vero humanitate, quæ tamen propter improborum hominum in scelere licentiam à multis reprehensa est, cum in eis peccandi causam imperatoris lenitatis assignarent. Et quidem certe nos met ipsi comperimus, duo non ferenda vitia temporibus illis viguisse: primum corruptelam vafram inexplibilum quorundam & sceleratorum hominum, qui reliqua vita dissoluti erant, deinde aliorum inexplicabilem simulationem, qui specie quadam ficta prætextuque Christiani nominis in ecclesiam surrepebant. Imperatoris vero humanitas, bonitas, sincera fides, & mortum constantia ac veritas facile eum adduxerat, ut fidem haberet huic istorum in speciem fictæ professioni, qui opinione tantum Christiani sunt habiti: maximè quod iidem veram erga illum benevolentiam, sed falsis ac fallacibus animis conseruare simularent, quibus cum se credidisset eiusmodi fortasse calumniis longè aliter quam par erat, infamabantur: inuidia scilicet hanc labem reliquis eius immiscente virtutibus. Sed hos non multo post diuinitus immissa poena consumpsit.

Quod

